

**COURAGÉIERT.
RESPONSABEL.
FIR LËTZEBUERG.**



Version française
English version



FRAKTION



D'CSV AN DER CHAMBER PRÄSENTÉIERT SECH

Léif alleguer,

et ass mir eng Freed an Éier, eis engagéiert Equipe vun 21 Deputéierten dierfen ze leeden. Dem Marc Spautz, dee bis Enn 2025 Fraktiounspresident war, soen ech am Numm vun den CSV-Deputéierten e ganz grouse Merci. Mir wënschen him eng glécklech Hand als Aarbechtsminister.

2023 ass d'CSV-DP Koalitioun ugetrueden, fir d'Land ze moderniséieren a besser fir d'Zukunft opzestellen. Mir setzen dëse Programm an der Chamber duerch eis legislativ Aarbecht ëm. Mir begleeden d'Regierung konstruktiv a kritesch am Alldag. Hei fannt Dir eise Bilan vun de leschte Méint.

Mir invitéieren Iech, eis op de Krautmaart besichen ze kommen a mat eis iwwert d'Aktualitéit an der Chamber ze diskutéieren.

Laurent Zeimet
Fraktiounspresident



MÄERZ 2023 – FEBRUAR 2026

D'PARLAMENTARESCH AARBECHT A CHIFFREN

D'Chamber koum

164



Mol beieneen

Et goufen

336



Gesetzer gestëmmt

D'Deputéiert waren an

1.852



Kommissiounsreuniounen
aktiv

D'CSV-Deputéiert hu

619



schrëftlech parlamentaresch
Froe gestallt

D'Fraktioun ass

113



Mol zesumme komm

170



Entrevuë goufen organiséiert mat Acteuren aus der Wirtschaft, der Zivilgesellschaft, mat Associatiounen, Institutiounen, Vertrieder vun de Berufschamberen an aneren Intressevertriedungen

LAURENT ZEIMET

51, BEETEBUERG,
AFFEKOT,
BEZIERK SÜDEN



CHAMBERAARBECHT:


- De Fraktiounspresident positionéiert d'CSV bei den Debatten zum Staatsbudget:
 - Fir 2026 huet de Laurent ervirgehuewen, dass de Budget déi Schwächst an eiser Gesellschaft duerch cibléiert a méi effikass sozial Moosnamen ënnerstëtzt. Donieft gëtt awer och d'Zukunftsfäegkeet vum Land duerch héich Investitiounen an Infrastrukturen, an Educatioun, Ëmwelt, Digitaliséierung an Innovatioun, gestärkt. Hie verbënnt also déi sozial, wirtschaftlech an ekologesch Verantwortung vum Staat. D'Staatsschuld bleift derbäi stabil zur Wirtschaftskraft - de Budget ass deemno nohalteg a wierkt och fir déi kommend Generatiounen
- De Laurent ass als President vun der Institutiounekommissioun mat juristeschkonstitutionelle Froe befaasst:
 - Hien ass Member vum Aarbechtsgrupp zum Statut vum Deputéierten
 - Hie moderéiert d'Diskussiounen iwwer d'Reform vum Walgesetz
 - Fir d'CSV ass d'Chamber den éischte Biergerrot vum Land an d'CSV setzt éischer op een openen Dialog mat de Bierger, wéi weider Institutiounen ze schafen. Gäre géing hien d'Méiglechkeet vum elektronische Vott aféieren
- Als Spriecher fir Aussepolitik huet de Laurent d'CSV-Positioun zum Ukrain-Krich an zu de Konflikter am Noen Osten an Zäite vum „Trumpismus“ vertraued. D'CSV steet zum Existenzrecht vun Israel a fir en demokratescht a fräit Palästina. D'CSV steet op der Säit vun der demokratescher Bewegung am Iran an huet sech fir d'Astufung vun de „Revolutionsgarden“ als terroristesch Organisatioun agesat

Justiz an Institutiounen wäerten d'Schwéierpunkte vu senger Chamberaarbecht sinn.

KOMMISSIOUNEN:

President vun der
Institutiounekommissioun
Vize-President vun der
Kommissioun fir Aussen- an
Europapolitik, Kooperation,
Aussenhandel a Groussregioun
Member Finanzkommissioun
Member Justizkommissioun

”
**Mir kënnen d'Welt
net eleng änneren,
mee mir mussen
eng Stëmm bleiwen,
déi fir Fridden a
Fräiheet steet.** “



LINK OP DE CHAMBER SITE
VUM LAURENT ZEIMET



DIANE ADEHM

55, HESPER, EKONOMISTIN,
BUERGERMEESCHTESCH,
BEZIERK ZENTRUM

KOMMISSIONEN:

Presidentin vun der
Finanzkommissioun

Member Kommissioun fir
Wirtschaft, PME, Energie,
Weltraum an Tourismus

Member Kommissioun fir Santé
a Sozialversécherung

Member Defensekommissioun

Member Kommissioun fir
d'Fonction publique

Member Kommissioun fir
d'Exekutioun vum Budget

CHAMBERARBECHT:

- D'Diane war 2023 Budgetrapportrice. Als Presidentin vun der Finanzkommissioun schwätzt si all Joers zum Budget, Volet Wirtschaft an ass prioritär Spriecherin fir d'Gesetzesprojeten am Finanzberäich an a Steuerfroen:
 - Mam Entlaaschtungspak gouf d'Steiertabell ugepasst a verschidde Steuerklasse weider entlaascht
 - An der Fintech goufen d'Krypto-Aktiva gereegelt
 - De sogenannte bëllegen Akt bleift definitiv bei 40.000 Euro
 - Mam Supercomputer fir kënschtlech Intelligenz, MeluXina-AI an der AI-Factory goufe weider wichteg Bausteng fir d'Entwécklung vun der KI geluecht
- Aner wichteg Gesetzer, déi d'Diane rapportéiert huet:
 - De Logementspak fir d'Relance vum Wunnengsmaart
 - Den neien digitale Rekrutementssystem am öffentlechen Déngscht
 - Virginitéitszertifikater an -examen sinn an Zukunft strofbar, de Reflexiouns-Delai vun 3 Deeg bei enger Ofdreiwung gëtt ofgeschaft
 - Männer a Frae mussen zu op mannst 33 Prozent op den decisive Posten an de Lëtzebuerger Firmen, déi op der Bourse kotéiert sinn, vertrauede sinn
- Si huet och d'CSV-Positione vertrauden an den Debatten
 - zur finanzieller Bildung, zu Online-Fraudë bei de Banken oder zur Zukunft vun der Finanzplaz

D'Diane wäert 2027 Spriecherin vum Gesetz zur eenheetlecher Steuerklasse mat Entlaaschtunge fir all Famill ginn.

LINK OP DE CHAMBER SITE
VUM DIANE ADEHM



NANCY ARENDT

56, MONNERECH,
CHARGÉE DE COURS,
BEZIERK SÜDEN

CHAMBERARBECHT:

- Als Presidentin vun der Lëtzebuerger Delegatioun bei der parlamentarescher Versammlung vun der NATO ass d'Nancy Spriecherin fir all Debatt iwwe d'ëst Bündnis. Zur Ausriichtung an Erhéijung vun de finanziellen NATO-Ziler seet si, dass kee Loscht op méi héich Militärausgaben hätt, mä Friden a Sécherheet géif et net fir näischt ginn. D'Investitiounen an Zukunftstechnologïe wéi Dronen a Cyber-Sécherheet, an och d'Finanzplaz kéinten eng wichteg Roll spillen. D'Zil wier net eng Remilitariséierung, mee d'Fräiheet a Sécherheet vun de Bierger an Europa z'erhalen
 - D'Nancy ass houfreg, dass d'Petitiounen ënnert hirer Presidentschaft (bis 2023) staarken Opdriff a Beléiftheet kritt hunn. Et ass hir immens wichteg, dass d'Politik op d'Bierger lauschert a si matgestalte léisst. Grad esou houfreg ass si, dass déi onofhängeg Ulafstell fir Kanner an Affer vu sexuellem Mëssbrauch, déi si an enger Motioun gefuerdert hat, Realitéit gouf an dass d'Gesetz zum sexuelle Mëssbrauch entsprechend verschäerft ginn ass. Dëse Sujet ass elo keen Tabu méi, betount si
 - Sujete vum Nancy hire sëlliche parlamentaresche Froe si virun allem Gläichstellung, Sport a Bewegung an all Alter, awer och Fraegesondheet
- D'Nancy wäert sech nieft de Sujete Gesondheet a Sport, mat Chancegläichheet a Sécherheet befaassen.



KOMMISSIONEN:

Presidentin vun der
Lëtzebuerger Delegatioun
bei der parlamentarescher
Versammlung vun der NATO

Vize-Presidentin vun der
Defensekommissioun


Vize-Presidentin vun der
Petitiounskommissioun

Member Kommissioun fir
Aussen- an Europapolitik,
Kooperation, Aussenhandel a
Groussregioun

Member Interieurskommissioun
(Volet Police)

Member Kommissioun fir
Héichschoul, Fuerschung an
Digitaliséierung

”
**Lëtzebuerg huet
sech laang op seng
Partner, virun allem
d'USA, verlooss.
Elo ass et Zäit,
Verantwortung ze
iwwerhuelen.**“



LINK OP DE CHAMBER SITE
VUM NANCY ARENDT

”
**Mir müssen alles dru
setzen, dass d'Lëtze-
buerger Finanzplaz
digital, innovativ an
nohalteg bleift.**“





MAURICE BAUER

54, STAD LËTZEBUERG, JURIST,
1. SCHÄFFEN,
BEZIERK ZENTRUM

KOMMISSIONEN:

President vun der Kommissioun
fir den ëffentlechen Déngscht
Member Aarbechtkommissioun
Member Petitiounskommissioun
Member Kommissioun fir
Ëmwelt, Klima a Biodiversitéit
Member Finanzkommissioun
Member Kulturkommissioun

CHAMBERARBECHT:

- Als Rapportier fir de Budget 2026 huet de Maurice de Schwéierpunkt op d'Aarmutsbekämpfung duerch eng cibléiert Sozialpolitik gesat, virun allem de Kampf géint Kannerarmut. Well: Eng Politik géint d'Kannerarmut ass keng Almosepolitik - si ass eng Investitioun an d'Zukunft. D'Zil ass eng geziilt Aarmutsbekämpfung iwwer all Ministèren ewech. An deem Sënn gouf sech mat iwwer 60 Interessevertrieder getraff, de Budget analyséiert an et goufen dann och 16 Recommandatioune formuléiert. 15 Milliarden Euro, dat si ronn 46 Prozent vun den Ausgabe vum Staat, fléissen dëst Joer a sozial Transferten
- De Maurice war Spriecher fir d'CSV bei der Ëmsetzung vum Gehälteraccord am ëffentlechen Déngscht:
 - Eng Erhéijung vum Punktwäert vun 2 Prozent fir 2025 an en hallwe Prozent fir 2026
 - Eng Harmoniséierung vun den ënneschte Karriären
 - D'Zënssubventiounen bei Immobiliekreditter, déi erop gesat goufen
- A Chamberdebatten zum Sujet Digitaliséierung huet de Maurice betount, dass d'Digitaliséierung a kënschtlech Intelligenz Prioritéite musse si fir e moderne Staat. Et misst een all Bierger op dese Wee mathuelen

De Maurice freet sech op d'Ëmsetzung vum Aarmutspiang mat all senge Projeten.

[LINK OP DE CHAMBER SITE
VUM MAURICE BAUER](#)



**Ouni Wirtschafts-
wuesstem gëtt et kee
staarke Sozialstaat,
keng ekologesch Tran-
sitioun a keng sozial
Kohäsioun.** “

JEFF BOONEN

40, BIEKERECH,
BAUER/AGRARINGENIEUR,
BEZIERK NORDEN

CHAMBERARBECHT:

- Als Spriecher fir Landwirtschaft a Liewensméttelsécherheet huet de Jeff d'Wuert ergraff an Debatten, wéi déi iwwer gesond Iessen oder Obesitéit. Hie war Rapportier vu verschidde Gesetzer:
 - D'Reform vum Gesetz iwwer Déierekrankheeten hëlleft virzebeugen, fréi ze erkennen a séier ze reagieren
 - D'ASTA kritt een neit Gebai an een neie Labo nieft der Akerbauschoul
 - Mat 20 Milliounen Euro ginn Investitioune vu landwirtschaftleche Betriber a gréisser Zäre subventionéiert
 - D'Drénkwaasserversuergung gouf iwwert dat neit SEBES-Gesetz verbessert
- Och am Beräich Energie an Energiesécherheet war hie Spriecher vu wichtege Gesetzer:
 - Bei de Subside fir Photovoltaik-Anlage muss een näischt méi virfinanzéieren a bezilt just nach säin Deel vum Invest
 - D'Regierung investéiert dëst Joer 150 Milliounen Euro an d'Netzkäschten, fir Stéit, Betriber an d'Industrie ginn esou d'Stroumpriisser erof
 - D'Energieprimm gouf fir Leit mat niddregem Akommes verdräifacht
- De Jeff huet och fir d'CSV zu anere Gesetzer geschwat:
 - D'Zentral fir d'Akeef an d'Logistik am Gesondheitsberäich (CNAL) bedeit méi Effizienz, manner Käschten an e bessere Stock vu kritischem Material
 - D'Reform vun der Meeschterausbildung am Handwierk mécht nei Perspektiven op fir Jonker a fir Leit, déi sech eréischt méi spéit fir d'Handwierk decidéieren

Säin Accent wäert um Ausbau vun den erneierbaren Énergien an Energieinfrastrukture leien.




KOMMISSIONEN:

President vun der Kommissioun
fir Landwirtschaft, Ernährung a
Wäibau
Member Kommissioun fir
Wirtschaft, PME , Energie,
Weltraum an Tourismus
Member Kommissioun fir Santé
a Sozialversécherung
Member Kommissioun fir
Educatioun, Kandheet a Jugend
Member Kommissioun fir
Ëmwelt, Klima a Biodiversitéit
Member Kommissioun fir
d'Exekutioun vum Budget



**D'Produktioun vu gesonde,
bezuelbare Liewensméttel
an d'Diversitéit vun der
Landwirtschaft musse
weider gefërdert ginn.** “



[LINK OP DE CHAMBER SITE
VUM JEFF BOONEN](#)



ALEX DONNERSBACH

34, WALFER, AFFEKOT,
SCHÄFFEN,
BEZIERK ZENTRUM

KOMMISSIONEN:

Vize-President vun der
Kommissioun fir Wunnengsbau
a Landesplanung

Member Defensekommissioun

Member Kommissioun fir
Educatioun, Kandheet a Jugend

Member Kommissioun fir
Ëmwelt, Klima a Biodiversitéit

Member Justizkommissioun

CHAMBERARBECHT:

- Den Alex war als Spriecher an der Verdeeedegungs-
politik fir verschidde Gesetzer zoustänneg:
 - 816 Milliounen Euro ginn an den zweete Kom-
municatiounssatellit GovSat-2 investéiert
 - D'Aarbechtskonditiounen, de Recrutement,
d'Remuneratioun vun de fräiwëllegen Zaldoten
an awer och d'Indemniséierung fir Auslands-
missiounen goufe verbessert
 - Hien huet sech fir eng staark Industriestrategie
an der Verdeeedegung ausgeschwat
- Als Spriecher am Logement huet hien zu
verschiddene wichtege Dossiere Stellung geholl:
 - Fir Éischtkeefer gouf de Bëllegen Akt vun 30.000
op 40.000 Euro erhéicht an d'Ofsetzbarkeet vun
de Scholdzënsen ugepasst
 - Fir Locatairë gouf eng Wunnengsprimm fir jonk
Berufsfänger agefouert. D'Krittäre fir un eng
ëffentlech finanzéiert Wunneng ze kommen,
goufen iwwerschafft a Bailleur a Locataire dee-
len sech elo d'Frais d'agence
 - Et gouf e VEFA-Programm vu 480 Milliounen
Euro bis 2027 lancéiert mam Zil, ronn 800 Wun-
nengen opzekafen
- Aner wichtege Projeten an der Chamber waren a sinn:
 - D'Reform vum Accès an d'Magistratur, fir méi
Riichtere kënnen ze rekrutéieren
 - Am Ëmweltberäich ass hie Rapporteur fir
d'Upassung vum Naturschutzgesetz, fir méi a
méi séier an urbane Gebidder Wunnengen an
Infrastrukturen kënnen ze bauen

Den Alex wäert och Spriecher fir d'Reform vum
Jugendstrofrecht ginn.

[LINK OP DE CHAMBER SITE
VUM ALEX DONNERSBACH](#)



”

**E klenge Land muss
militäresch do hël-
fen an investéieren,
wou ee Mehrwäert a
Kompetenze bestinn –
wéi mir an der Kom-
municatioun.** “


EMILE EICHER

70, CLIERF, EKONOMIST,
1. SCHÄFFEN,
BEZIERK NORDEN

CHAMBERARBECHT:

- Den Emile ass laangjäreg President vum
Gemengesyndikat Syvicol. Hie vertritt do
d'Interessen net nëmme vun de Gemengen
a Stied, mee virun allem vun de Bierger.
D'Vereinfache vun de Prozeduren op all Niveaue
vum Liewe muss onbedéngt virugedriwwen
ginn, fuerdert hien. En excellente Service um
Bierger kéint nëmme gelescht ginn, wann
och déi kommunal Servicer nei definéiert a
professionaliséiert ginn. Do dru géing geschafft
ginn. Dat geplangten nationaalt Bautereglement
an d'Grundsteuerreform si wichteg, fir am
Logement virun ze kommen
- Als Spriecher fir de Beräich Mobilitéit begréisst
hien, dass 1 Milliard Euro an d'Moderniséierung
an den Ausbau vum Findel investéiert ginn.
Aarbechte sinn ënnert anerem um Tower, dem
Terminal a bei de Parkings-Méiglechkeete
virgesinn. Fir d'Passagéier bedeit dat méi Confort
a méi Sécherheet. Dernieft kréien och d'Awunner
Hëllef, wann si hir Haiser géint de Kaméidi
isoléiere wëllen
 - D'Gesetz fir déi zousätzlech Pëtrolslager ass
gestëmmt
- Am Beräich vun den ëffentleche Bauten huet hien
zum Gesetzprojet geschwat, mat deem de Klierfer
Lycée vergréissert gëtt:
 - Ronn 109 Milliounen Euro ginn hei investéiert.
D'Schülerpopulatioun soll vun 800 Schüler op
bis zu 1.580 uwuessen

Den Emile freet sech, weider Gesetzer am Beräich
vum Transport an der Stroosseninfrastruktur, virun
allem am Norden traitéieren ze kënnen.



[LINK OP DE CHAMBER SITE
VUM EMILE EICHER](#)



KOMMISSIONEN:

Vize-President vun der
Kommissioun fir Mobilitéit an
ëffentlech Bauten

Member Kommissioun fir
Aussen- an Europapolitik,
Kooperatioun, Aussenhandel a
Groussregioun

Member Interieurskommissioun

Member Kommissioun fir
Wunnengsbau a Landesplanung

Member Defensekommissioun

Member Kommissioun fir
d'Fonction publique

”

**Mir mussen méi
séier virukommen –
d'Beschleunegung
vun de Prozeduren
ass essenziell.** “

“





FÉLIX EISCHEN

60, KIELEN, FRÄIBERUFLER,
BUERGERMEESCHTER,
BEZIERK SÜDEN

KOMMISSIONEN:

Member Kommissioun fir
Wirtschaft, PME an Energie

Member Kommissioun fir
Landwirtschaft, Ernährung a
Wäibau

Member Sportskommissioun

Member Kommissioun fir
Wunnensbau a Landesplanung

Member
Defensekommissioun

Member Kommissioun fir
Mobilitéit an ëffentlech Bauten

Member Kommissioun fir
d'Exekutioun vum Budget

CHAMBERARBECHT:

- De Félix war bis viru kuerzem President vun der Kommissioun fir Medien a Kommunikatioun
 - Do hunn d'Aarbechten ugefaangen zur Reform vum Pressegesetz. Haaptpunkte sinn hei d'Afféierung vum speziellen Informatiounszougang fir Journalisten, d'Upassung vun der Pressehällef an eng aktualiséiert Definitioun vum Beruffsjournalist
 - Och dat neit Mediegesetz gouf virgestallt mat virop der Reform vun der Medienopsicht
- De Félix Eischen war den CSV-Spriecher zu der Finanzéierung vum Busreseau vun den CFL. Bis 2035 ginn hei 692 Milliounen Euro investéiert. De Süd-Deputéierten huet sech och agesat, dass de Busreseau TICE nei opgestallt a seng Finanzéierung ofgeséichert gëtt. Hie war Co-Auteur vun enger Motioun, déi d'Regierung dozou opgefuedert huet, d'Zukunft vum TICE ze assurieren. Dës Motioun gouf vu sämtleche Parteien an der Chamber gedroen
- An enger fräier Tribün huet de Félix och Positioun bezunn zum Handelsaccord Mercosur tëscht der EU a verschiddene südamerikanesche Staaten. Mat méi Handelsaccorde gëtt eis Liwwerketten och méi diversifizéiert, huet hie betount. Mir sinn also manner ofhängeg vu China an den USA a stäerken domadder d'Resilienz vun der EU. Besser Handel mat Accord wéi ouni, well doduerch déi héich Standarde vun der EU garantéiert ginn

De Félix wäert sech virun allem ëm d'Froe vun der Mobilitéit an der Fërderung vun de Kleng- a Mëttelbetriber këmmen.

LINK OP DE CHAMBER SITE
VUM FÉLIX EISCHEN



PAUL GALLES

52, STAD LËTZEBUERG,
CHARGÉ DE PROJETS, SCHÄFFEN,
BEZIERK ZENTRUM

CHAMBERARBECHT:

- De Paul ass President vun der Ëmweltkommissioun a Spriecher fir alles, wat och d'Klimapolitik an den Naturschutz ubelant
 - Hie war Rapporteur zur Verlängerung vum Gesetz iwwe d'Klimabonushëllef fir Photovoltaik a Wärmepumpen a fir eng sozial gerecht Upassung vum Klimabonus Mobilitéit
 - Den neien Tramsschapp op der Cloche d'Or, wou och de séieren Tram soll ugebonne ginn ass ee visionäre Projet fir d'Zukunft, och wat Nohaltegkeet ugeet, huet hien an der Chamber betount
 - D'Weltklimakonferenz ass fir hien e wichtege Rendez-vous. Dass déi héich Erwaardungen un d'COP30 enttäuscht goufen, gesäit hie kritesch. Déi aner Sujeten Natur, Biodiversitéit an Desertifikatioun géife méi Opmierksamkeet verdéngen
 - Och an der Kooperatiouns- an Entwécklungspolitik kënne wichteg Akzenter gesat ginn an der Bildung, am Demokratieopbau an am Klimawandel, sou säi Credo
- Als CSV-Spriecher fir déi Äermst an der Gesellschaft huet hien den nationalen Aarmutsplang guttgehescht
- De Schoulschäffen an der Stad Lëtzebuerg schwätzt och dacks zu schouleschen Aktivitéite: Fräi, frou a staark Kanner missten och d'äerfe Kanner sinn – Fräizäitaktivitéiten ausserhalb vun der Grondschoul si wichteg. Suerge bereeden him d'Gewalt an der Schoul, wou hien eng Chamber-Debatt lancéiert huet

Den Accent wäert de Paul op den Nationale Klimaplang an déi sozial Kompensatiounen vun der CO₂-Steier leeën.



LINK OP DE CHAMBER SITE
VUM PAUL GALLES



KOMMISSIONEN:

President vun der Kommissioun
fir Ëmwelt, Klima a
Biodiversitéit

Member Kommissioun fir
Aussen- an Europapolitik,
Kooperatioun, Aussenhandel a
Groussregioun

Member Kommissioun fir
Mobilitéit an ëffentlech Bauten

Member Kommissioun fir
Educatioun, Kandheet a Jugend

Member Kommissioun fir
Solidaritéit, Zesummeliewen,
Gläichstellung an Diversitéit

Member Petitiounskommissioun

”
**De Grand-Duché
ass e gutt Virbild
an der Klimapolitik
a muss dofir och
ambitiéis bleiwen.**“

”
**Mir brauchen een
ëffentlechen Transport
vun héijer Qualitéit
a mat manner
Schuedstoffer fir
d'Ëmwelt.**“





FRANÇOISE KEMP

34, DIDDELENG, DOCTEUR EN BIOLOGIE AN DATENANALYSTIN, GEMENGECONSEILLÈRE, BEZIERK SÜDEN

KOMMISSIONEN:

- Presidentin vun der Kommissioun fir Santé a Sozialversécherung
- Presidentin vun der Kommissioun fir Medien a Kommunikatioun
- Vize-Presidentin vun der Kommissioun fir Héichschoul, Fuerschung an Digitaliséierung
- Member vun der Aarbechtskommissioun
- Member Kommissioun fir Ëmwelt, Klima a Biodiversitéit
- Member Kommissioun fir Famill, Solidaritéit, Zesummeliewen, Gläichstellung an Diversitéit
- Member Kommissioun fir d'Exekutioun vum Budget

CHAMBERAARBECHT:

- D'Pensionsreform gouf iwwer 18 Méint mat enger breeder Consultatioun virbereet. Zil war, ee gemeinsame Sockel ze entwéckelen, deen en Equiliber tëscht der Ofsécherung, Viabilitéit vum System, an dem Erhale vu senge soziale Fundamenter, erméiglecht. D'Françoise war Rapportrice vun dese Mesuren:
 - Déi néideg Dauer vu Versécherungsperiode gëtt a verschidde Fäll liicht a graduell erhéicht
 - D'Studiejore gi méi flexibel ugerechent
 - Am Privatsecteur gëtt d'Méiglechkeet fir eng progressiv Pensioun agefouert
 - D'Cotisations ginn ëm een hallwe Prozentpunkt souwuel fir d'Salariéeeën, wéi och fir de Staat an de Patron an d'Luucht
- Och am Gesondheitsberäich ginn et Reformen, fir déi d'Françoise Spriecherin war:
 - Déi sougenannt Nikotinsäckelcher ginn net verbueden, mee reglementéiert. Den Nikotingehalt gëtt limitéiert, de Verkaf u Mannerjäreger verbueden, an de Marché gëtt kontrolléiert
 - D'Gesetz zur Spidolsplanifikatioun gesäit 200 zousätzlech Better vir
 - D'Spideeler kënnen op hiren zousätzleche Sitte fir ambulante Soinen elo och kleng Agrëff an der Dermatologie an der Ophtalmologie maachen
- Si huet awer och oft d'Wuert ergraff an der Chamber:
 - Zu den Auswierkunge vum Klimawandel op d'Aarbechtswelt
 - Zum Nationale Gesondheitsplang
 - Zur Santé publique

D'Françoise wäert sech besonnesch fir den Erhalt vum solidaresche Gesondheitssystem asetzen.

LINK OP DE CHAMBER SITE VUM FRANÇOISE KEMP



MARC LIES

57, HESPER, SPUERKEESSBEAMTEN, BEZIERK ZENTRUM



KOMMISSIONEN:

- Member Sportskommissioun
- Member Interieurskommissioun
- Member Kommissioun fir Wunnengsbau a Landesplanung
- Member Kommissioun fir Mobilitéit an öffentlech Bauten
- Member Kommissioun fir d'Fonction publique

CHAMBERAARBECHT:

- De Marc huet sech wärend ville Joren fir de Reaménagement vun der ZAC Houwald agesat
 - Hie war Spriecher, wéi elo zousätzlech 32,5 Milliounen Euro fir den Aménagement vum Pôle d'échange an der Gare périphérique Houwald, dem Ausbau vum Tramsreseau, gestëmmt goufen. Et ass domat e Meilesteen am Beräich vum öffentlechen Transport gesat ginn, erkläert hien
 - Een Dauerbrenner fir den Engagement vum fréiere Buergermeeschter vun der Gemeng Hesper bleift de Contournement Hesper
- An der Chamber huet hien zu verschidden Investitiounen an d'Schinnennetz geschwat:
 - Dës Regierung investéiert vill Suen an d'Zukunft vum Land, betount hien. 5,2 Milliarden Euro fléissen an eng gutt an attraktiv Mobilitéit: 4,77 Milliarden Euro wärten tëscht 2026 an 2040 an d'Schinneninfrastruktur, awer och an d'Sécherheet vun de Garen, mat zousätzlechem Personal, fir d'Sécherheet vun de Passagéier investéiert ginn
 - Zousätzlech gëtt och d'Gare zu Beetebuerg komplett renovéiert an déi nei Zuchstreck op Beetebuerg soll am Laf vum Joer 2027 a Betrib goen
- Och am Beräich vun der Sécherheet am Fluchtrafic huet de Marc d'CSV-Positioun vertraueden:
 - Eng EU-Direktive gouf ëmgesat, fir Funk- an Hannergrondgesprécher am Tower vum Findel ze späicheren

De Marc wäert sech zousätzlech ëm d'Sujete vun der kommunaler an urbaner Entwécklung këmmern.



LINK OP DE CHAMBER SITE VUM MARC LIES

„Politik mécht ee mat Häerz a mat Verstand am Interessi vun eis all.“



„D'CSV steet fir staark, performant an no-halteg opgestallte Spideeler.“





RICARDO MARQUES

32, IECHTERNACH, PSYCHOLOG,
GEMENGECONSEILLER,
BEZIERK OSTEN

KOMMISSIONEN:

Vize-President vun der
Kommissioun fir Educatioun,
Kandheet a Jugend

Member Kommissioun fir
Wirtschaft, PME, Energie,
Weltraum an Tourismus

Member Kommissioun fir Santé
a Sozialversécherung

Member Kommissioun fir
Wunnensbau a Landesplanung

Member Kommissioun fir Famill,
Solidaritéit, Zesummeliewen,
Gläichstellung an Diversitéit

Member Kommissioun fir
Héichschoul, Fuerschung an
Digitaliséierung

Member Sportskommissioun

Member Kulturkommissioun

CHAMBERARBECHT:

- Dem Ricardo säi grouse Sujet ass den
Educatiounssystem:
 - Déi öffentlech Europaschoule bidde verschidde
Kanner Flexibilitéit, si kënnen a sollen awer den
traditionelle System net ersetzen
 - Hien huet zum Projet ALPHA geschwat, e Ge-
setz, mat deem d'Alphabetiséierung op Fran-
séisich agefouert gouf. Dës Reform géing fir méi
Chancegläichheet suergen. Lëtzebuergesch kritt
esouguer méi eng wichteg Plaz, wëll d'Niewefä-
cher op Lëtzebuergesch sinn. Suerge bereeden
déi néideg zousätzlech Klassenäill an den Iwwer-
gang an de Lycée. Ganz wichteg wier en Ëmset-
zungsplang an eng reegelméisseg Evaluatioun
mat Rapporten
- Als Psycholog ass déi psychesch Gesondheet e
wichtige Sujet fir hien:
 - Dem Ricardo seng Propos, mam 119 eng nation-
al Telefonsnummer anzeféieren, hannert där
eng multidisziplinär Ekipp steet, déi séier rea-
géiert, wann eng Persoun a mentaler Nout urifft,
gouf unanime an der Chamber ugeholl
 - D'Santé mentale vun de Kanner läit him
besonnesch um Häerz
 - Si ass eng Prioritéit a brauch Präventioun,
Fréierkennung an en einfachen Zougang zu
Hëllef
 - Beim Social-Media-Accès fir Jonker, verlaangt
hien, de Kanner bis 16 Joer ee séchere Kader ze
bidden an si aus dëser Influenz erauszehuelen.
D'Technologie misst dem Mënsch déngen, an net
ëmgedréint

De Ricardo wäert den Dossier
vum Jugendschutzgesetz betreien.

LINK OP DE CHAMBER SITE
VUM RICARDO MARQUES



GEORGES MISCHO

51, ESCH/UELZECHT,
SPORTPROFESSOR,
BEZIERK SÜDEN



KOMMISSIONEN:

Member Kommissioun fir Santé
a Sozialversécherung

Member Kommissioun fir
Medien a Kommunikatioun


Member Kommissioun fir
d'Fonction publique

Member Kulturkommissioun

CHAMBERARBECHT:

- De Georges gouf eréischt den 20. Januar 2026
am Parlament vereedegt. Zanterhier huet hie
verschidde parlamentaresch Froe gestallt, wéi zur
Zukunft vun der Gebléishal zu Esch-Belval oder
der Sécherheet vun de Passagéier am öffentlechen
Transport
- A senger Zäit als Minister fir Aarbecht a fir
Sport huet hie verschidde Projeten op den
Instanzewee geschéckt, déi deels och scho
gestëmmt sinn. Wéi d'Sonnesaarbecht, déi
op bis zu 8 Stonnen eropgeet, d'Upassung
vun de Beschäftigungsmesurë fir Jonker oder
d'Méiglechkeet, de Chômage och online kënnen
unzefroen. Als Sportminister huet de Georges de
Budget méi wéi verduebelt. Vun 41 Mio ënnert
sengem Virgänger op 87 Mio Euro fir 2026
- De Georges ass Rapportier gi vun engem
Gesetzesprojet zur Ëmsetzung vum Gehälteraccord
am öffentlechen Déngscht. Et geet drëms, dass och
d'Employéë vum Staat ënnert den disziplinaresche
Regime vun der Fonction publique falen. Hie
wäert och Rapportier gi vum neie Pressegesetz

Dem Georges säi Schwéierpunkt wäert op der
sozialer Sécherheet leien.



LINK OP DE CHAMBER SITE
VUM GEORGES MISCHO

”
**Zur Präventioun vum
Suizid ass et wichtig,
eng Persoun an Nout ze
erkennen, an ze wësse,
wéi ee soll reagéieren.**“



”
**Mir hunn e staarke
Sozialsystem. Mir
mussen elo alles dru
setzen, fir deen net
nëmmen ze erhalen
mee och laangfristeg
ofzesécheren.**“



OCTAVIE MODERT

59, GREIWELDENG,
JURISTIN,
BEZIERK OSTEN

KOMMISSIONEN:

Vize-Präsidentin vun der
Kommission fir Wirtschaft,
PME, Energie, Weltraum an
Tourismus

Vize-Präsidentin vun der
Kulturkommission

Member Kommission fir
Landwirtschaft, Ernährung a
Wäibau

Member Kommission fir
Héichschoul, Fuerschung an
Digitaliséierung

Member
Institutionekommission

Member Kommission fir Medien
a Kommunikatioun

CHAMBERAARBECHT:

- D'Octavie ass zoustänneg fir Dossieren, déi de Mëttelstand betreffen:
 - Et goufe Bähëllef fir Kleng- a Mëttelbetriber gestëmmt, fir datt och si an d'Fuerschung kënnen investéieren
 - D'Agrargesetz gouf beim Statut vum aktive Bauer a Wënzer ugepasst
 - Den Zougang fir Baueren a Wënzer zu gewësse Bähëllef gouf verbessert
- Am Beräich vun der Kultur huet si den Accord fir verschidde Gesetzer ginn:
 - Praktesch a pragmatisch Ännerungen um Denkmalschutz-Gesetz, wou de Staat elo d'Käschte vu präventiven Ausgruewungen iwwerhëlt an administrativ Vereinfachungen ginn
 - Bis 2030 steet dem Filmfong eng finanziell Enveloppe vun 180 Milliounen Euro zou. Et geet hei ëm Kultur an Ënnerhaltung, awer och ëm d'Bild vum Land an d'wirtschaftlech Diversifizéierung
 - De Kultursecteur entwéckelt sech séier, an et ass wichteg, fir exakt Daten ze hunn. Dofir gouf elo een „Observatoire de la Culture“ an d'Liewe geruff. Domat kënnen Bedürfnissen, Baustellen a Stärken méi kloer identifizéiert ginn
- Och an der Digitaliséierung gouf et gesetzlech Verbesserungen:
 - De Staat kann elo geziilt Hëllef un Netzbedriever ginn, fir d'Kommunikatiounsnetzer och bis op ganz ofgeleeë Plazen ze bréngen. Jidderee soll séieren Internet-Zougang kënnen hunn
 - D'elektronesch Ënnerschrëft gouf agefouert fir all administrativ Akten och zwëschen den Institutionen

Dem Octavie leie Fuerschung an d'Uni.lu, administrativ Vereinfachung an de Wäibau um Häerz.

LINK OP DE CHAMBER SITE
VUM OCTAVIE MODERT



”
Déi Kleng- a Mëttelbetriber sinn d'Réckgrat vun eiser Wirtschaft a vum Aarbechtsmaart.
“

NATHALIE MORGENTHALER


46, BIELES, POLITOLOGIN,
1. SCHÄFFIN,
BEZIERK SÜDEN

CHAMBERAARBECHT:

- D'Nathalie war Spriecherin zur Verfassungsännerung:
 - D'Fräiheet fir all Fra op eng Ofdreiwung ass an der Verfassung verankert ginn. D'Selbstbestimmung vun der Fra soll dauerhaft an onofhängeg dovun, aus wat fir enger Richtung de politesche Wand bléist, geschützt ginn, huet si betount. Et géing ëm eppes Fundamentales goen – de Respekt virun der Decisioun vun enger Fra an enger Noutsituatioun
- Rapportéiert huet si och verschidde Gesetzer am Aarbechtsrecht an an der Innepolitik:
 - Mam Skillsplang gëtt d'Ongläichgewicht tëschent der disponibeler a gebrauchter Kompetenz um Aarbechtsmaart bekämpft. Et goufe méi gezielt finanziell Ureizer geschaf fir Leit ëmzeschoulen, respektiv hir Kompetenzen ze verbessern. Besonnesch déi mat den niddregste Qualifikatiounen kréie Perspektive gebueden
 - De Plan de maintien dans l'emploi kritt eng besser Begleitung duerch de Konjunkturcomité an eng besser Finanzéierung duerch de Beschäftigungsfong
 - D'Reform vum System, wéi vill d'Gemengen an de Beschäftigungsfong abezuele mussen, féiert zu méi Solidaritéit
- D'Nathalie ass och CSV-Spriecherin fir Famill, Integratioun a Gläichstellungsfroen
 - Am Kampf géint d'Aarmut gouf een Zouschoss agefouert fir Leit, déi sech d'Altersheem net kënnen leeschten. De Logement, mee och essentiel Servicer wéi d'Wäsch, Telefon oder Televisioun si garantéiert

D'Nathalie wäert besonnesch op d'Ëmsetzung vun deene verschiddenen Aktiounspläng uechten, wéi Aarmut, geschlechtsbaséiert Gewalt oder Anti-Rassismus.

”
D'CSV steet zu enger Aarbechtsmaartpolitik, déi net nëmme reaktiv ass, mee och virbeugend wierkt.
“



LINK OP DE CHAMBER SITE
VUM NATHALIE MORGENTHALER



KOMMISSIONEN:

Vize-Präsidentin vun der
Kommission fir Famill,
Solidaritéit, Zesummeliewen,
Gläichstellung an Diversitéit

Member Aarbechtskommission

Member Interieurskommission

Member Petitiounskommission

Member Sportskommission

Member
Institutionekommission

Member Kommission fir
Medien a Kommunikatioun





LAURENT MOSAR

68, STAD LËTZEBUERG, AFFEKOT,
SCHÄFFEN,
BEZIERK ZENTRUM

KOMMISSIONEN:

President vun der
Justizkommissioun

Member Kommissioun fir
Aussen- an Europapolitik,
Kooperatioun, Aussenhandel a
Groussregioun

Member Interieurskommissioun

Member Kommissioun fir
Wirtschaft, PME, Energie,
Weltraum an Tourismus

Member Finanzkommissioun

CHAMBERARBECHT:

- De Laurent ass CSV-Spreecher fir d'Sécherheitspolitik an d'Justiz:
 - Hie war Rapporteur vum Gesetz zur Aféierung vun der lokaler Police. D'Proximitéit tëscht Police a Bierger géif esou gestärkt an d'Preventioun ausgebaut ginn
 - Bei schwéiere Fäll vu Kriminalitéit ass elo d'Prisonsschloos d'Reegel, an de Sursis d'Ausnam, wou de Riichter motivéiere muss, firwat hien deen accordéiert
 - De Kampf géint Geldwäsch gouf verschäerft
 - D'Iwwerwachungsmaasures am Verdachtsfall goufen erweidert
 - Bei der sougenannter Mini-Instruktioun ginn d'Prozedure verkierzt an den Uwendungsbereich méi grouss
- Fir d'Finanzplaz weider attraktiv ze halen, mussen net nëmmen Talenter aus dem Ausland ugezu, mä d'Talenter hei am Land behale ginn, betount de Laurent
 - Déi sougenannt „carried interest“, also eng speziell steierlech Reegelung fir Fongemanager, déi un der Performance vun de Fonge bedeelegt ginn, sollen dat ënnerstëtzen
 - Privatpersounen kënnen elo vun engem neie Steierkredit profitéieren, wann si wëlle jonk an innovativ Start-Up'en ënnerstëtzen
- De Laurent huet och bei etlech Debatte geschwat, wéi zum Google-Datenzenter oder zu Glécksspiller an eng Hellewull Froe gestallt iwwer d'Bankeplaz, d'Kriminalitéit oder d'Steierpolitik

Hie wäert d'Beräicher Finanzen a Wirtschaft, Justiz a Sécherheet weider enk begleeden.

LINK OP DE CHAMBER SITE
VUM LAURENT MOSAR



”
**Nëmme wa Police
a Justiz déi néideg
Kompetenze kréien,
ass d'Sécherheet
garantéiert.** “



JEAN-PAUL SCHAAF

60, ETTTELBRÉCK, ASSISTANT SOCIAL,
1. SCHÄFFEN,
BEZIERK NORDEN


CHAMBERARBECHT:

- De Jean-Paul war Spreecher fir d'Gesetz iwwer de Museksunterricht, dat ugepasst gouf.
 - Hien huet begréisst, dass d'Gemengen an Zukunft finanziell besser ënnerstëtzt, an d'Schoulorganisatioun an d'Offer vun de Coursen ugepasst ginn. Domadder gëtt de wäertvolle Museksunterricht op méi sécher Féiss gestallt, mécht de Jean-Paul kloer. Dëst wier Bildungs-, Sozial- a Kulturpolitik an een Invest an d'Mënschen am Land
 - Hie wäert als Rapporteur zum neie Bibliothéiksgesetz schwätzen
- Hien huet fir d'CSV och zum neie Reglement fir d'Petitiounen geschwat. Do gouf en neie Quorum vu 5.500 Ënnerschreften agefouert, d'Websäit méi benotzerfrëndlech gemaach an e Verfahren agefouert, fir Petitiounen ze identifizéieren. D'Petitiounen sinn e wichtegt Instrument am demokrateschen System - mat de neie Reegele ginn d'Rechter vun de Petitiounen gestärkt, huet hie betount
- A sëllege parlamentaresche Froe weist de Jean-Paul ëmmer erëm op kritesche Punkte virun allem am Norden hin: Stroossebau, Zuchstrecken, archeologesch Ausgruewungen, awer och Infrastrukturen am Sozial- an Educationsbereich si seng Sujeten

De Jean-Paul wäert säi Schwéierpunkt op d'Dossieren an der Familljepolitik leeën.



”
**Kee Politiker gëtt
vun de Leit all
gewielt. Awer, wann
ee bis gewielt ass,
dann ass ee fir
d'Leit all gewielt!** “



LINK OP DE CHAMBER SITE
VUM JEAN-PAUL SCHAAF



KOMMISSIONEN:

Kommissioun fir Landwirtschaft,
Ernährung a Wäibau

Member Kommissioun fir
Educatioun, Kandheet a Jugend

Member Kommissioun fir
Héichschoul, Fuerschung an
Digitaliséierung

Member Petitiounskommissioun

Member Kommissioun fir Famill,
Solidaritéit, Zesummeliewen,
Gläichstellung an Diversitéit

Member Kulturkommissioun



CHARLES WEILER

39, DIKRECH, JURIST,
BUERGERMEESCHTER,
BEZIERK NORDEN

KOMMISSIONEN:

President vun der Sportskommissioun
President vun der Aarbechtskommissioun
President vun der Spezialkommissioun „Caritas“
Member Kommissioun fir Mobilitéit an ëffentlech Bauten
Member Institutiounekommissioun
Member Justizkommissioun

CHAMBERAARBECHT:

- Als Spriecher vun der CSV fir de Sport an d'Aarbecht war hie Rapporteur vum Gesetz zur Sonndesaarbecht am Einzelhandel
 - No ville Gespréicher mat de Sozialpartner ass um Enn ee Kompromëss fonnt ginn. A Betriber mat manner wéi 30 Salarieë kënnen d'Leit bis zu 8 Stonne schaffen, bei méi grouse Betriber muss dat iwwer Kollektivvertrag gereegelt ginn. De Sozialdialog bleibt een absolute „Must“, bekräftegt de Charel
 - Sport géif een Invest an eis Gesondheet duerstellen, dowéinst misst intensiv an d'Sportsveräiner an an de Benevolat investéiert ginn, fuerdert hien. Well d'Benevole sinn d'Réckgrat vun eiser Sportswelt
- De Charel huet als President vun der Spezialkommissioun zum Caritas-Skandal d'Aarbechten an d'Unhéierunge geleet, fir datt am Ofschlossrapport déi néideg Conclusiounen konnte gezu ginn
- Wichtig ass, dass déi national Aktivitéite weider gelaf sinn an déi Honnerten Aarbechtsplazen an der neier Struktur HUT erhale bloufen.
- Hien huet och zu verschiddene Justizdossiere geschwat:
 - D'Adoptiounsrecht gouf reforméiert – och net bestuete Koppelen an Einzelpersonen kënnen elo e Kand adoptéieren.
 - D'Justiz kritt méi performant Instrumenter, fir geziilt a méi efficace géint schwéier Kriminalitéit virzegoen

De Charel freet sech op weider grouss Dossieren an de Beräicher Aarbecht a Justiz.

[LINK OP DE CHAMBER SITE
VUM CHARLES WEILER](#)



”
De Sozialdialog spillt eng entscheidend Roll fir de Zesammenhalt vun der Gesellschaft an de soziale Fridden.“

STÉPHANIE WEYDERT

41, MOMPECH, AFFEKOTIN,
BUERGERMEESCHTESCH,
BEZIERK OSTEN



CHAMBERAARBECHT:

- D'Stéphanie war Rapportrice fir eng Rei Gesetzer aus dem Inneministère an am Konsumenteschutz:
 - Mat der Reform vum Gesetz iwwer déi kommunal Raumplanung an d'urbanistesche Entwécklung mussen an neie Wunnquartiere méi abordabel Wunnenge geschafe ginn, déi dann an d'ëffentlech Hand ginn
 - 400 Agente bei der Police kruten hire Premièresdiplom réckwierkend op August 2018 unerkannt a goufen an de Grupp B1 reklasséiert
 - D'Reform vun der Videosurveillance zu polizeilechen Zwecker (VISUPOL) mécht den Asaz vu Kameraen am ëffentleche Raum méi einfach, méi séier a méi effikass
 - Mam Gesetz iwwert d'Sammelklo kréien d'Konsumenten endlech d'Méiglechkeet, sech gemeinsam géint Firmen ze wieren
 - D'Liewensmittelkontrolle vun der ALVA kruten en neie juristesche Kader
 - Och am Beräich Wirtschaft an Aarbecht huet d'Stéphanie zu Gesetzer geschwat:
 - D'Ëffnungszäiten am Commerce an am Liewensmittelhandwerk goufen erweidert
 - D'Bäihëllef fir Betriber, fir an de Klima- an Ëmweltschutz kënnen ze investéieren goufen ausgebaut
 - Bei der ADEM gi méi Prozeduren digitaliséiert an doduerch méi séier a sécher – och de Chômage kann elo online ugefrot ginn
 - D'Aarbechtsrecht gouf op e puer Punkten ofgeännert, fir dass Beschäftigungsmessure fir jonk Leit méi attraktiv ginn
 - An der Justiz huet d'Stéphanie zu diverse Gesetzer am Handels- a Gesellschaftsrecht esou wéi der Reform vum Prisongswiese geschwat
- D'Stéphanie wäert ënnert anerem Rapportrice vun der Ëmsetzung vum Asylpak ginn.

KOMMISSIONEN:

Presidentin vun der Interieurskommissioun
Vize-Presidentin vun der Kommissioun fir Exekutioun vum Budget
Member Kommissioun fir Wirtschaft, PME, Energie, Weltraum an Tourismus
Member Kommissioun fir Landwirtschaft, Ernährung a Wäibau
Member Aarbechtskommissioun
Member Justizkommissioun

”
Mir müssen dat richtig Gläichgewicht tëscht wirtschaftleche Besoinen a sozialem Schutz fannen.“



[LINK OP DE CHAMBER SITE
VUM STÉPHANIE WEYDERT](#)



MICHEL WOLTER

63, KÄERJENG, EKONOMIST,
BUERGERMEESCHTER,
BEZIERK SÜDEN

KOMMISSIONEN:

Member Finanzkommissioun
Member
Institutiounekommissioun
Member Kommissioun fir
Medien a Kommunikatioun

CHAMBERARBECHT:

- De Michel war Rapportier vu verschidde Gesetzer am Steierrecht, virun allem vun Duebelbesteierungsofkommes mat ville Länner. Awer och d'Gesetzesännerunge, mat deenen d'Pensiounsreform ergänzt gëtt, huet hien an der Chamber virgestallt:
 - Vun 2026 u gëtt et een Abatement vu 750 Euro pro Mount (maximal 9.000 Euro pro Joer) fir Salarieën, déi fräiwëlleg, trotz Urecht op Pensioun, nach weider schaffe ginn. D'Zil ass, Ureizer ze ginn, méi laang am Berufsliewen ze bleiwen, fir dass de reelle Pensiounsentrëtsalter méi no bei de gesetzleche vu 65 Joer geréckelt gëtt
 - De Plafond fir eng privat Zousazpensiounsversicherung steierlech als Spezialdepensen ofsetzen ze kënnen, ass vun 3.200 op 4.500 Euro pro Joer gehuewe ginn
- Als éischt Land an Europa huet Lëtzebuerg e sougenannten Defence Bond erausginn – e Gesetz, wat de Michel rapportéiert huet an der Chamber:
 - D'Depensé fir d'Verdeedegung sollen zum Deel duerch dës Staatsemprunt an Héicht vun 150 Milliounen Euro finanzéiert ginn. D'Bierger kënnen an dës Obligatiounen investéieren an d'Zënse si steierfräi
- De Michel war och driewend Kraaft, fir eng kloer Positioun ze bezéien, fir eise solidaresche Gesondheetssystem ze erhalen an ze stäerken. E System mat verschidde Leeschtungsklassen wäert et zu Lëtzebuerg net ginn: Neen zur Zweeklasse-Medezin

Dem Michel seng Schwéierpunkte wäerten op der Steierpolitik leien.

LINK OP DE CHAMBER SITE
VUM MICHEL WOLTER



”

Jidderee gewënnt, kee verléiert - d'Aféierung vun enger eenheetlecher Steierklass ass eng ganz familje-frëndlech Reform.

“



CLAUDE WISELER

66, STAD LËTZEBUERG,
DOCTEUR ÈS LETTRES,
BEZIERK ZENTRUM

CHAMBERPRESIDENT:

President vun der Presidentekonferenz
President vum Chamberbureau

CHAMBERARBECHT:

- De Claude muss als Chamberpresident an éischte Bierger am Land eng neutral Haltung anhuelen. Hie stëmmt als Member vun der GSV-Fraktioun d'Gesetzer mat, bezitt selwer awer keng Positiounen am Plenum. Och am Ausland representéiert hien all Deputéierte vun all Faarf
- D'Chamber gesäit hien als eng Institutioun, déi sech permanent dem Wandel upasse muss. Méi séier a ganz transparent Decisiounen huelen, méi dynamesch an och interessant Debatten - dat verlaangen d'Bierger haut. Et gëtt eng Zäit fir ze diskutéieren an et gëtt eng Zäit fir ze decidéieren, betount de Claude, an dee ganze Prozess, muss an aller Transparenz geschéien. Dowéinst huet de Claude scho verschidde Reformen an d'Weeër geleet:
 - D'Riedenzäite goufe gekierzt
 - Bal all Kommissiounssëtzung gëtt entretemps no baussen iwwerdroen
 - D'Transparenzregëster krut méi kloer Reegelen, fir ze gesinn, wien Afloss op d'Deputéiert wëll huelen
 - Vun 2026 u ginn d'Fraktiounsfinanze vun der Cour des comptes kontrolléiert
 - D'wëssenschaftlech Cellule gouf verstärkt, fir d'Arbecht vun den Deputéierte mat Recherchen ze ënnerstëtzen
 - Am Gilly-Haus entsteet e Visitors' Center

An der Diskussioun bleiwen nach nei Formen vun der Biergerbedeelegung, de Statut vum Deputéierten, gekoppelt mat der Diskussioun iwwert e Cumul vun de Mandater an eng Rei Aarbechten um Walgesetz, fir et un d'Realitéit vun haut unzepassen.



LINK OP DE CHAMBER SITE
VUM CLAUDE WISELER

”

D'Stärkt vun enger Demokratie läit an der Gedold, fir nozelauschteren, ze diskutéieren an dono Decisiounen ze huelen, déi fir d'Gesellschaft an net nëmme fir e puer Leit positiv sinn.

“



CSV AM DIALOG:

Mir invitéieren Iech an d'Chamber a bei eis an d'Fraktioun.

*Mir maachen Iech, Ärer Sektoun, Ärem Veräin d'Diere vum Haus
vun der Demokratie op.*

*Entdeckt net nëmmen d'Gebai an d'Geschicht vun der Chamber,
mee loosst Iech och de Fonctionnement erklären a stellt all déi
Froen, déi der schonn ëmmer stelle wollt.*

**DIR WËLLT MAT
DEPUTÉIERTEN
IWWER D'AKTUALITÉIT
DISKUTÉIEREN?
MIR SI FIR IECH DO.**

**KONTAKTÉIERT EIS FIR
ENG VISITT A KOMMT EIS
BESICHEN:**

CSV-Fraktioun
13, rue du Rost
L-2447 Luxembourg
Tel. : +352 47 10 55 1
Email : csv@chd.lu
www.csv.lu

KUCKT OCH CSV FRAKTIOUN OP SOCIAL MEDIA



FRAKTIOUN

